



嚴子魯叅政席上聞楊左丞完者死事

藏六者龜窟三者兔百鳥俛啄既仰復既頷二雄由來不共

居楊也丞相防身及他心隴得又望蜀遺鑑號止危在虞

風震大樹無幾綠武公軒餘拂雲竹私恨平生志士心

方移置將軍腹將軍國封八十親綵服行戴東山中白簡

論事諒可採笑出黃羊觴碧醇

七月聞河南平章凶問

六月妖星芒角白幾夜徘徊天市側尋聞盜殺李上公窮

旅孤臣淚沾臆當時寬猛制萑澤安得受降翻受敵上公

忠名垂竹帛書生奚為貴禕惜東南風動旗黃色蒲梢天

馬長依北壬寅六月田豐王士誠刺殺李忠襄于濟南城下先是順帝見星

贈嘉定故吏尤鼎臣有序

鼎臣少由海寧吏知鄉州嘉定就親養至正十三年閏
三月海寇犯婁時宝哥叅政頓兵崑不進鼎從州倅率
義壯守上游二年謀效居多十六年淮張入吳倅奉印
降鼎沮之為其將繫且諭受以官抗不受杖百錮于家
尋奔杭浙省叅政周伯琦舉興義烏縣史詔使開吳藩
鼎復以勞迂桐廬典史理吏目秩即辭歸農及吳隳後
會予中槎羌謙家癯然類山澤儒而言確行厲殆古有
節士風去尋常筐篋器遠矣昔漢符璽即事殊壯烈然

惜失其名今鼎得予詩亦足暴其心矣詩曰

長負故吏身姓尤一刀筆擁千夫矛南垣叅政但醉酒海
賊不敢東窺婁淮張崛起連吳臺屬臣買降恐後來躡階
沮獻嘉定印杖錮非謂天全才座中老氣虹霓吐屋山亂
葉吹黃雨舊除今辟置弗數鬼區冥々蒿中柱吁嗟猶思
石磬鼓

題頽景中外祖魏洵子美妻丁氏祠堂卷有序

魏夫婦並吳興人洵嘗吏獄松有某忤權貴下獄賂白
金五十兩洵脫其械封還金上海巨室威偪鄰父死汚
官欲抵罪其子會部使者至洵盡發巨室奸狀遂伏辜

然由是見忌調鉛山 及滿考歸行李蕭然惟餘一贈
行卷既除仁和場幕謝免夫婦日惟教謹中若已出而
謹中為今秀造于其歿別築室祠之拜請詩曰

義伸枉獄金却還寧忤豪貴迂鉛山六年僅有贈行卷秀
髯皓白如霜管生憂教氏鬼獨苦今得外孫祠外祖鷄肥
黍脫天風秋鶻哭棠梨寒食雨宅相魏舒良可敬黑頭江
搃何足論力田讀書姑養母莫賦遠遊勞倚門

華劉二節婦 有序

二節婦並大同人華妻武州守張思孝生子亨劉其配
也至正戊申秋河南帥竹貞乘亂肆掠二節婦匿複壁

間游卒闕得之驅迫以前華驚呼曰我命婦也驅我唯
有死耳且謂劉曰汝芳年將若何劉泣曰忠烈不二宜
聞之也審忍垢辱耶華曰勿無刃經無索奈何劉復對
曰當激賊怒以就死遂大罵極口卒怒殺之劉不為動
罵益厲卒又殺之華年四十五平生嚴介馭下事或少
枉弗貸舅歿姑老膳必躬親之思孝由衛學官至伯爵
華累封雲中郡君訓亨機絲克承箕業懿聲賢聞穆然
清風劉年二十一翰林待制翼之姪女莊重盛容性尤
慧爽華愛甚嘗索賦庭栢應聲云群卉枯落時挺節成
孤秀既保歲寒心不在遐年壽殆先識也郡士郝麟備

紀行實亨稔知予名乃介瘍匡山振走拜予寓隱以哀
請予維葦劉志節享孝義用序而詩曰

雲中城無斫頭守一門隻貞光井白黃河清淺渡淮泗雪
峰巍峩掩星狗君不見釧金臂斷牙將辜肅宗并罷崔成
都昨者寡人妻鰥人夫天不俾保家与孥望鄉臺霜磧草
白還六思之心鬱紆吾詩非為此特旌張婦姑

陸縣尹時俊席上贈郭府判 有後序

袁州府判八十強徒步海曲何踉蹌世殊衣帽不肖改意
氣忿激言慷慨餘生天曆天王位九二衆蛇隨龍一蛇棄當年
夙稱強項令獨念厖眉尉斬人岷然報桑樞身急上罵

夜驅漕河風濤阻芻粟雷塘城郭埋萑蒲塞翁得失付
大喙主家林涵紫微蒲少時良晤別六樂勿效謝公重作

惡

公諱野仙不葦字彦楨順德之內丘人也性剛直有風
槩中書右丞相哈喇哈孫引見成宗器之俾事太子累
年以母王宜人齒邁告有旨江浙左丞相帖古迭兒祿
養之丞相尋薨公護喪還時別不花新拜相義壯之屬
左丞張士瞻為娶名門鄧氏女補省之怯里馬赤怯里
馬赤者漢言通事也調湖廣秩滿始官瓊山縣尹會文
宗潛邸餼廩衣藥躬備如儀上每頷左右曰野仙不花

昔寵遇先皇今復竭勞效忠于我苟得承祀纂統當以
金蒙之五年遷將樂尹闢建龜山書院洗冤鋤梗民肖
像祠之文宗即位使南者傳詔公遂傳入凡一時重臣
皆嘗約為昆弟既入見上掇賜所啜黑湯比退重臣以
御史薦上曰彼止居三日他日復召問曰卿宿別不花
丞相家耶對曰然上曰卿從其求進耶公曰丞相念臣
舊用館穀臣惟進退在陛下諸重臣猶擬省遷公謝
曰非出聖意竟不陞辭返上怒欲罪給傳內外官屬大
夫力諫曰陛下獨不記金蒙之旨乎上由是霽威因賜
閩醴引若干核楮鏹萬錠公損半受之沾丐親舊野處

武昌適鎮南王世子出鎮物色得之日聆謹言恐後贈
襲衣鞍馬文宗崩嗣君入繼召除湖廣省員外郎旋改
華亭尹民有以偽鈔償物價告曰公曰彼偶誤耳付諸
火易真鈔予之他政類如此民傾德之會轉杭州宣課
提舉士民群拜馬首取鞞懸東門以存遺愛杭當要衝
歲課鈔十餘萬公剔蝨剗弊廉已寬稅吏莫敢欺能聞
擢彬州路判官行省檄摠湖南一路軍餉先期而竣徭
蠻作亂官兵進討不克公單騎入諭福禍徭悉歸農移
袁州路判官時蘄人叛僭不久袁陷而公年當致仕慨
然華亭禽魚草木不吾恠也遂隱跡凡二十載而卒子

忠奉葬縣之橫雲山從鄧宜人地逢僅與公有一日雅
讀錢衮所著行狀始得其詳於乎公四命為郎三命大
夫所至藉甚雖材志不盡施而保身叔世登壽九表子
孫安全天之厚公侈矣衮于公為門吏有請因撫其槩
并書前贈公詩以歸之

寄題俞達啟義軒

有序

達予里人也辛亥春兄牽車服賈千里外他賈犯權益
禁坐連時達尚幼憫兄孱弱必客死毅然請代傭于濠
凡三載乃放還黃常民既為序復徵予詩曰
我家延陵君子鄉義議遺俗戶相望亂中豈少趙與姜耳

日不逮泐莫彰俞氏小弟今竄良竊旌載車先死盜剖棺
起生事孔到疫鬼弗染出天造之三子者世爭道浚井從
掩呼象傲黃常名軒義是啟我老作詩銘諸門出入維德
間朝昏春風頌篋叶雅墳白頭毋忘鴿在原

送花生還懷遠縣

有後序

尔爺屈跡簿書吏眾中會予輒師事里稱黃童扇枕孝士
多實十還金義於乎不幸死連獄寡妻孤兒徙荆麓終天
恨抱王哀心長夜哀聞杞梁哭君不見老夫避地烏涇村
豈徒親舊少生存木落洞庭悲帝子草淒雨浦憶王孫酸
風暮間愛日短酒次贈言歸莫緩驚鴻啣蘆雲與遠大魚

跳冰月應滿

生之父貞予鄉友也性啟謹嘗典簿書浙省大官有以白金數十斤託貞世變後悉還之居家奉八十母孝甚扇枕温席寒暑罔替今礼部凡三辟辭不獲起為佐吏未幾以事連死有司没其產業徙生荆山下栖卑墾荒母子相吊歲甲寅冬始克還謁予寓隱且言復往有日予因飲之酒贈之詩用慰生之心焉查甲寅為洪武七年所云今礼部亦指明朝言也

題何婦黃氏卷有序

黃氏松之莆溪何某繼室也其家素饒洪武初呈名欺

隱當没產既上官至某貨殖它郡黃獨与老弱居官怒其帑藏空匱掠微貲扶累百身無完膚昏頓就斃者屢言迄不紊次掠姑又次掠其媳；號呼婦黃方呻吟即狼狽起蔽翼之且告姑老不勝捶力丐身代辭氣款惻官愍釋焉明日黃復扶傷諸官泣請某前室之子及姑之子凡在繫者少休私舍羸糧以俟遣里士范公亮誌焉予謂昔鄭休妻后鄭義宗妻盧遺事並著晋唐史今何婦兼類之可稱述也已詩曰

江南柘花開妾當飛妾灾孝義由中心榜楚從百回古嘗
上猿禍林木今見青蠅憎白玉破鑑盡歿氣若絲官曹尚

擬夫刑贖君不見一鷹揚百鳥止一犬走百兔僵駟虞麟
趾周家祥

贈孝僧琳 有序

琳號西玉予鄉人至正乙未出遊名山川會亂亟歸遇
寇數兵之告以故免既聞父兄弟皆歿亂中餘母高嫂
薛在錢堡庄及至見母創甚嫂以不辱溺井死琳躬負
土掩之匍匐乞食奉母弥年母卒密瘞善地遂奔隱
門山一日携血書華嚴經謁予海上予嘉琳學佛氏教
猶克孝克義贈之以詩曰

華嚴內典釋中尊書向吳臺獨樹村十指滴枯遺体血一

心追報二親恩琅函夜繞金光粲黃壤春回淑氣温却恠
亂離多死隔獨能奉養及生存江魚雪白思登饌野樵青
紅夢倚門客舍題有以頻年少見孝兒孫

送錢郎中陞叅政分鎮淮徐邳三州

公府疏恩近九天復從苦次起籌邊江黃慎与齊桓會
楚宜推宋就賢出勝故墟山寂歷露筋遺廟草芊眠
不盡英靈氣傲上新踈驚急烟大雪弓刀千騎密上元燈
火萬星聯機乘暮夜初無定霸賤春秋夙有傳他日
吳越後白頭昭曠正埽田

嚴壽間席上寄汀州同知曹文昭

避地東來喜有兒竹林無恙仲能麓甌閩城郭三忠

三忠

謂福建平章陳

愈樞白帖穆尔子壽

楚雲山幾故

知老馬忍忘霜塞草孤猿甘抱雪松枝

酒熟瑤池露

且醉梅間藥玉卮

寄劉小齋張滿南吳中洲夏師魯鄧毅夫丘宗大

鄉里遺賢軫念多薦辭今聘守微疴前途絕望揚州鶴乳
水嘗窺董養鵝季子有碑時打字莫王無鬼夜操戈東風
凍解醅新熟試覺歸舟駛一梭

奉懷集賢黑

承旨

謝病徽州詔許還五干部曲沸如潛一帆風破三鯨浪兩

鬢霜明五豹閑西第月資全祿養中官時出上尊頌鳴笳
滿地星牢落應憶徵言姐豆間

任子良縣尹除奉訓大夫台州判官逢避地相鄰而

又姻婭之好承聞大軍駐汴經畧使已至浙東小

康有日先詩致賀

子良宣慰仁蒞子也名賢佐

天香夜染紫烟衣喜氣春連白板扉陶令山中初酒熟劉
即溪上正花飛使臨奎壁新分象民望雲霓幾落暉宜早
上官思補官報大軍先破汴城圍

謝中故院判買住昂霄枉過予龍江寓隱

三年江館閉斜曛一日星輶下紫氛老我已非佳子弟壯

公曾是故將軍未央
雙闕雲端見長樂
踈鍾月下聞還語
中原縻絲盡六宮
知愛石榴裙

送吳照磨赴李司徒幕兼簡張郎中

司徒分鎮越王臺
甌婺山光入望來
堂上修文間將略
幙中求旧得賢才
鑑湖木落魚梁見
紫塞風高雁路開
莫禁白頭狂賀老
酒船仍蕩月明回

時方禁酒

題何上海新修瞿雅州義塾卷

十畝宮圍數仞墻
雅州開建鶴沙陽
流風遠被弦歌樂
化日重輝黼黻章
衡縣有詩稱陸宰
魯城無宅壞恭王
春歸檀杏青陰滿
安得追趨弟子行

題徐伯起水南漁隱卷

幾人北戍幾南遷
一日身閒一日仙
回首華亭鳴鶴外
繫舟長泖亂鷗邊
屋圍楊柳清秋日
星錯蟻蛛薄暮烟
不學秦民不終隱
桃花傍

年

將游澱山承府倅張德常郭宗唐聯過舟次留宴燈

夕不果既得風帆走筆寄張郭

天上春回城雪消
人家梅柳帶河橋
宮無一事鼓鐘宴
賢有兩駉環轡搖
零月華燈違後夜
好風輕楫快今朝
水生河渚雁鳧俗
閣倚澱山心獨遙

遊崑山清真觀放生池承盧知州孫萬戶梅倅會宴

有詩留錢尊師丹房

鼓角沉雄晝漏稀羽人宮闕盡含輝林間紫馬聞鸞過水
上文鯨迹鶴飛霞氣暖流千日酒風光晴拂暮春衣不應
客似瑤箏雁弔滯南音斷北歸

同朱節遊秦山詩留地主宋氏

金赭二山遙望巨海郊祖龍曾此駐雲旂為尋白堊朱沙
洞首渡蒼崖紫壁均木客夜過松籟作石人寒臥薜衣交
一茶共話桃源隱不信河山有二嶠

重遊千山望杌山有引

千將山色倚空青獨立風生十二翎便合武當祠畔住

布衣長謝紫微星予至正辛丑九月所題口號今十七
年矣時洪武墨蹟如新而風烟草木與時變異西望二
陸遺墟慨歎久之老現賀曰布衣得毋污乎因留詩山
中

杖倚千將西紫岑望中連碧壁瘞雲深當時少為歸全計後
進堪羞妄躡心京洛好風隨義犬華亭涼月怨胎禽芥斤
浩：山林歎辭賦蕭：麗則心

寄贈劉樞幕

獻替雲臺黍一炊羈離江國鬢全絲醉中罷落高風帽夢
裡猶聞湛露詩山壓葉乾知歲短水揚花怒任春私靜思

舊幹君臣意足見平生志有為

呂充問復亨自陝還予過之懷文會于時康傷家徒
于事連且慶其世德有在而子孫保全也賦詩留
希尚之家第

堂開來德俯瓊灣魚鳥熙々晝靚間多士春行沂上服巨
靈夜負澤中山蒼黃一氣千林變玉壁雙聯萬里還為醉
阿咸狂走華鬢絲香拂鷓鴣班

寄婁上俞士平提學陸良貴秦文仲二教授

朱紱青袍映後先邇來愁過買臣年壚頭相醜囊須罄地
下誰遊劍莫懸淮浪白滔迴魯日塞氛黃隔姓劉天賤名

忝在齊民版為報新燕傍柳田

寄龍江親舊二首

四年不過醉亭眠白髮盈頭病始醒趙盾共知為畏日戴
逵曾誤作賢星鶴江列第花如淚寵鎮雙庠草又青親舊
友生三五在几時司謁聖儀形

冥鴻東邁剝丘亭遭世艱虞幾醉醒淚化夢中雙好雨心
周物表一閒心星大江順駛沅湘白少室高齊泰華青持去
欲誇吳越地舊交多似木鷄形

寄陸宅之進士錢思復提學全希言學正

花開花落雪盈顛三地相望一信無梁震不慚前進士杜

陵寧是老狂夫長淮浪接江逾濶南極星聯斗不孤想與
窮經全學正酒香隣社杖同扶

經游小來汪簡木仲毅

髯叅歸隱小如垞乳日魯聞儉備經風黑浪高羅刹海月
明天度使臣星東都先見逢萌得廣武重遊阮籍醒寤是
故家春草暗杜鵑時殺忍同聽

題董良用徵士釋耕所

百畝私田十尺廬釋耕為樂野人知墮牛齒臥春犁後水
鳥低飛午饁餘殷喪蕨薇元可食秦炎種樹獨存書老子
擬就龐公隱歲暮相看兩鬢疎

朱氏梅雪齋中會介壽仲祺

高昌公子忽重逢一飲玻璃酒百鍾月夕屢聞愁繞鵲花
時曾見喜乘龍杖邊風送昭陽漏軾上雲移太室松二十
五年俱夢境石灣何日步從容

贈劉易性初

鷄鷄文采鶴癯形雖限無家異水萍短褐山林工採藥破
窻風雨夢傳經元規塵暗衣偏素孟德荒臺隴自青材業
有餘平治近莫隨王績寄沉冥

同舍章千戶近歸江陰父老首詢予在多喜慶者癸

丑春日小酌日述懷簡諸父老

得嗔如屋謗如山轉覺方心似石頑鄉巷復叱為異物客
居嘗夢抱連環平安短札春湖綠眉青深杯曙日殷食料
不知餘有幾且從兒女慶童顏

贈陳履信思 有後序

落了暑星江海陸每於士友頌陳思藩巨屏用防秋榮縣
令深嘉繼祀詩貧後小夫婦地利亂中闔室戴天知尤憐
不受琴生粟長褐郊園自采葵

思松人不苟狗俗雅志古道有田僅供饘粥遇族里貧
甚者輒分食之敝廬數楹日授徒其下鄰人侵傍地自
歌曰食且無魚奈何使盤蔬無餘鄰聞之歸其侵地鄉

大姓張氏子翊嘗從學琴業成以巨舟載粟為謝思白
吾菴以售汝耶却不受吳藩地連十州守將咸以為安
思上疏危之不報適居海上因無後欲立弟之幼子為
嗣求于弟三年弟不之卹吳被圍思愈皇；如無婦人
或勸之思曰吾得弗殄先祀即兵死不憾曰賦詩謁祝
上海挺曰傳家忍學韓為賈失國驚聞莒滅鄆挺嘉歎
為讓其弟乃立其子後亂中民妻女多所汚思置家人
閣上如平時且曰吾心鏡無醜迹醜影何由至竟如其
言君子謂思行義所致云

夢騎驢

寒驢双耳足卓東風前道青衣一小童石澗倒涵嵐氣白海霞高貫日輪紅桃花芝草經行異鶴髮鷄皮語笑同却待朝天驚夢失春醒無奈雨簾櫳

題趙生克敏戲綵堂

戲綵高堂俯鶴沙孝承清獻故侯家一雙玉饌春水鯉五色斑衣曙海霞壽酒宛涵池上竹酡顏聯映座頭花山人善禱良非佞更積詩書到五車

題鶴坡長壽寺

招提誰建鶴坡陽寶祐年間忠翊郎宋東南正將將種久滿得剛所叙歸農版藉佛燈長似日容光六時螺唄潮音壯滿目烏鳶

野色荒老我願為僧一日盡招新鬼上慈航

癸丑正月三日述懷

梅風峭寒微雨零仲荃季薰聯歸寧嬌小數迂兵燹地保全均賴祖宗靈園闢鶴徑亂石白天入鯉山雙角青依旧素衣歸日隱他年應忝聘君亭

癸丑上元日寄示外甥俞董

年踰富貴五看燈拙守丘園兩謝徵石上履聲多在竹月中冷影澹涵冰清溪道士居相近錦里先生醉自稱歸淚若沾原上土松風長嘯學孫登

題阮德劄祈澳草堂

林澤集卷五
草堂山水競清輝
妻織兒經母在闌
榆柳巷陰嬉
蛩角荇萍泥
暖樂鳥衣羈
孤恨缺蛇珠
報同姓思深
犴獄歸不貴
榮名唯隱德
靜中風雨亂
花飛

錢士修辭學職歸養地主徐去奢為築草堂居之詩以相賀

博士辭官奉二親
東家為築草堂新
殺鷄作黍歡
難得走馬看花夢
不真風雨倒衣恭
侯旦林塘携杖從
行春閒觀令伯陳情表
不獨高才行
取純

寓隱烏涇之五年
獨酌梅花下
時仲女歸同郡
許柸老幹危柯屈
鐵盤舉杯今日始成觀
林坳北斗低
垂象花

外東風淺帶寒
綠徑不忝苔石立
傍池猶少艸
亭安身蘓荐有門闌喜
醉裏從圍萬玉鴛

酬鄉友黃叔彞見寄詩韻

別來寧復句驚人
靜得堯夫竟咏真
弗記馬卿煩狗豎
尚論李賀泣蛇神
山房石枕新
秋月海甸風低薄
暮雲叔度平生襟量遠
不無歸楫復勞詢

日本月千江長老携其國僧齋竺峰級禹門徵詩二首

日本盤了瀛海間
夜分先見曙光殷
毛人傍帶窮荒島
富士高瞻奠枕山
開國使來東漢覲
遊方僧說大唐還
徵詩

慎說鷄林售不欲貪名著百蠻

中州風氣海溟分島宅較居被大雲鳥篆不遭秦烈火祥

光曾託宋斯文具琛歲入諸夷貢草木春隨大地薰聞道

頻年亦兵難好將無諍論和君

題趙氏雪霽還松江圖

霽雪丹徒道歸舟白下門始懼懷璧罪終感賜環恩淮海

沙迴合金焦翠殿奔冰梁窺馬倒浪屋駭鯨吞寒薄征裘

敝春隨扶繡温老親雙喜色諸幼幾啼痕茂苑經餘燼平

原認故村村名在賀聲連凍鶴雀生物迨孤豚啟鑰官迂駕

居隣叟抱尊踈梅微徑曲乳葉古墻根烟碧新鑽火雲紅

獨照暎張儀談舌在王猷舊種存幸甚家全樂嗟夫野斷

魂乾坤枯樹賦暮夜翳桑殮陰德孫敖衍仁風實十啟憂

忻繫裴作圖畫示來昆

陸宅之進士挽詞有引

諱居仁明詩經中鄉貢隱居教授以卒嘗贊予画像云

辯如懸河思如湧泉斗酒百篇倚馬萬言慷慨如奇材

之劍客蕭洒如錦袍之謫仙弟未知伏軾而掉三寸擊

楫而快一鞭於斯二者子將奚先

游戲清真帖優長雅頌文世方趨趙孟天竟滯劉蕢教施

河汾兩身浮澱泖雲飛花時事隔過雁訃音聞有女哀扶

櫛多予望薦芹陋容看轉宅空辱計奇勳

謝木仲毅負外過烏涇別業 有後序

歸明全晚節懷舊過寒簷不解吳儂語猶森蜀將髯名公
書早佩慈母誥生靈三仕風塵屬千艱水陸兼獸車畋北
遠魚飯味南獸芝嶼歸秦皓莖源記晉潛銜才紛襴戮昧
識摠申鈴世事忻相遠春杯約細拈

毅毅西域人少喪母繼母諱馬麻哈同撫育若己出及
毅貴獲封宜人毅性周謹事上泣下非礼法不陳道中
臺丞王公德謙書循理二大字賜之以南省使累迁長
兵曹幕去亂遠引今為農海上予予焉交好云

檢校蔡公挽詞 有序

公松人諱廷秀字君美由郡諸生試吏調江陰擢浙憲

奏差累陞從仕郎浙省理問所知事承務郎袁州推官

中書左丞烏古孫良楨薦江西省檢校及命下公已遇

害初靳寇犯袁土豪率丁壯張官兵得版授同知州事

貪虐不道守將計殺之殘黨匿山谷者遂導生寇覆陷

袁公被執三日口不絕罵死平生博學器識沉毅儒先

若子方陸墻東盈之許白雲並友重烏江陰別業一區

田六頃貶立義塾部使者以聞賜澄江書院額中祠九

峯先生以考檜岩教諭封浙江副提學配享虞文靖黃

文献二公為記尤好詩送閩人之巡檢云旌旗小小將
軍隊行李蕭蕭即罷船袁州宜春臺云一水白隨鷗鷺
去萬山青逐虎龍眠士至今傳誦逢忝交忘年一夕兩
形之夢 曰追述梗概附詩右寄其弟與子姪在松之
趙屯者詩曰

甲第歸鄉校詩書長法家不遑虞蠱尾曾快扶鯨牙松水
菰駢寔袁山草乳花新秋夢如在惟覺髮增華

題訥無言長老如幻藁 有後序

光孝師重見春秋八十餘坐忘寒漏永吟入暮鍾踈囊剩
墨花鉢珠收貝葉書期予繼晋社飲酒論真如

至正乙酉 順帝十年 師自法際遷至吾鄉光孝予時甫壯

數從遊山水間後予挈家海上師亦退隱崑之福嚴書

問嘗一往還及今重會曦南仲會海祥林論心道舊蓋

三十年矣 為明祖洪武六七年 南仲且謂師乳中衣貨散沒畧盡

而道行益精進近閱大藏經獲赤白舍利二居士交稱

久不可無贊述也師既出如幻藁觀焉予遂題八句于

左

送章序景序遷祖父還故山先隴

不負詩書業躬遷祖父喪丹砂書翠表金井銅黃腸日月

新臨照風塵舊痛傷縣公啟孝理廬墓有輝光

聞楊鍊崖提學凶問有鹿則遺行賦一卷行卷世

蚤躋龍席榜晚赴鳳凰臺世賞遺音妙天全老病回鍊崖

風繞木玄閣雨生苔不得門生狀聊茲寓一哀

寄張長年負外

隴上一齋廬身全謝病初高秋哭子淚晚歲絕交書瑤水

周巡遠蘓臺越戰餘晨星挂霜木東望獨踟躕

同斯道成上人過郡灌畦

園綠抱清滹風煙似漢陰繭絲隨地少膏澤荷天孫對食

希顏蠲躬鋤鄙華歆經遊坐木下間說故侯心

題鄉友趙親宗弁雲亭舊隱圖宗燕翼王十二世孫

田野俗新諳茅堂巧背貪雷春羨石巖霜冷釀庭柑封冊

猶存冀歌詩摠系南苗披舊風景歸思滿江潭

送謝瑛子溫扶父草池府君櫬還墓天台

父櫬賓賢里家山夢月樓脫駢風稍競正首願方酬雲屨

無危石風帆少遂流孝心神所助好認魯王丘

送徐嶧峒元桐還蕭埭

世亂同我出時清先我歸寒燈伯淮被春饌老萊衣異縣

兔葵長故山猫笋肥朋游若見問五十未知非

題嚴韡德華北涯釣隱圖

雲間水北涯釣隱屬嚴家七宿低喉舌重洲倚輔車鶯窺

雲間水北涯釣隱屬嚴家七宿低喉舌重洲倚輔車鶯窺

時暗柳魚避急花飛笑謂垂綸石蒼苔幾歲華

題青田王伯梁妻陳氏懿恭節孝卷

肅雝遵姆訓孝節著儒門粹質猗蘭珮幽光苦竹原史稱

巴里寡詩鄙衛風奔甥館忻承祀冰霜耿淑魂

贈河南理幕沈易之有序

易之名易松人嘗為淮安分省幕史既念二親遠且老
將辭之會省臣叛易側身走洛謁河南王超擢理問所
知事然孝念不可奪乃去授徒淇上日唯蔬食夜哀籲
于天庶願親安身得歸也間就葛溪權衡學河南失守
衡流寓青齊間易依焉一夕遇海舶得風迂甌越以歸

而親俱康健卒如侍養志曰贈詩曰

去叛官洛下全生歸海濱中心兩曾閱昨夢幾桓文草色

一簾綠書聲隔巷聞山人忝執友詩以勞艱勤

贈沈氏雝穆伯仲楊缺崖傳附

喪乳苦多門私賢爾弟昆詩書三世澤孝友一家村月細

哀猶抱風高駭鹿奔尚遺流矢痛堪弔不堪捫

丁未夏四月三日淞島兵變禍延城邑士沈騰氏挈

妻孥走草野二子雍穆守家廟不去悍卒排闥入二子

走簇二矢穆中臂雍中左髀仆戶外卒復引刃擊其項

背穆以身障雍跪曰祈吾兄儒者為鄉社師某不才願

以代兄死兄亦訢曰吾弟力田養吾親不可殺寧殺吾
儒懦兒卒感而止曰弟義兄友殺之不祥遂兩舍去前
進士楊維禎錄之曰在古兄弟直盜爭死有及壽救戰
有衰長庇幼有祐江讓肥有孝礼豈誠不愛其身哉身
可滅而天不可滅也吾聞張氏其臣有相率而死曰
滕氏榛机也海獠弄兵兄弟有爭死而不死曰沈氏雍
穆也滕氏死以忠沈氏以義忠義一天也願世有利害
未一髮而遽以食其天嗚呼吾不知其何心也嗚呼吾
不知其何心也

題陸緒曾祖翠岩

諱大猷

自題佚老堂詩後翠岩宗學

官元初忠武王版授江浙提學不就以隱德終

佚老堂無恙居然見典型心存趙氏日點隱謝敷星金玉
餘清響蘋蘩只舊馨分湖春酒練思過翠岩亭

寄元直待制

李有序

元直名秉方李忠介公黼之子也廕授同知常州會中
吳陷供億無錫官兵予避地處嘗一言為贈既無錫亦
陷元直与郡總管完顏以義丁合宜興分師嚴蒙古不
華騎步卒退保陽山其地阻湖憑險順逆不常至是山
氓委心戮力戰拒張氏凡十六月張降浙省朝廷錄功
嚴并浙省叅政完顏擢憲使元直待制翰林南北使往

還數承記問因賦八句以寄

虎穴子俱班陽山數百艱不圖黑痣地如在玉門闕壁立
孤危影天違只尺顏絲綸煥五色思睹水雲間

哭雲間衛叔剛

有引

叔剛諱近仁好學績文敦孝友行嘗遊吳興守將候見
之送餼米百斛既舉幕官並辭太尉關延賓館幣使聘
焉亦謝免或問所存曰所薦非正人所依非真傑吾得
裘葛老余山墓側足矣惡用虛名致寔禍為哉祖謙
初以宋資政殿大學士宗武浚授温州路治中不就父
諱德嘉潮州路儒學正失儷二十八年不二娶養高詩

書里中年四十七卒予與孫剛素友重將冒風雪送葬
不果及晴畢葬乃系之引哭之詩曰

有慟名臣裔嘗辭太尉招珮間寒水玉巖老故山苗臨帖
烏絲盡聯詩絳燭消遺餘行卓絕足矚俗浮澆

寄林季文周林彬二進士時訓松庠弟子負

才名江記室鄉拔趙衙推上下床無間東南運載移鵲袍
聯射圃魚飯獨經帷九折玉楊板應同老

寄經山淑象元長老

秀爽東西目行峯五葉分翠虛靈鳥道水殿棲龍雲異茗
先雷擷踈鍾渡瀨聞禪林宵相見來閱大蘓文

寄朱仲威編修 有引

名桓常熟人力學負志張氏有吳中桓航海書于朝
授編修官復朝服極言上儲宮不報竟以憤疾卒

使臣傳尔信南士盡稱奇
螳烟通宸極魚頰攄震維
暑風行瘴遠寒斗轉杓遲
正好輸忠赤騎驢莫咏詩

謝邾仲義進士寄題澄江舊藁 和詩附

釋褐平生友即官辟共辭復形掾筆夢過頌擢歌詩樓屋
雲霞錯沙鷗霧雨悲歸舟阻習險士雅莫吾期

半山昔拜少陵像謂公詩与元氣侔後五百歲無繼者
元氣茫々散不收我朝詩派因中州氣節首推劉靜脩

宋季流習茲一洒天運六復詩家流楊趙馬范虞揭歐

金華莆田誰與儔亂來風雅久衰落喜向澄江聞擢謳

澄江席帽同羊裘風塵之表從天遊每和君山老父笛

不換華頂仙人舟有時擊節驚陽侯百恠莫敢窺十洲

鯨波可蹈惜沈劍鰲嶠欲蹋思連鈎澄江浪高江月浮

江神迎擢風颺々雲機上割天孫錦底用枯槎橫斗牛

放歌躍足銀河秋涸沿不為澄江留誰道澄江淨如練

我視澄江真若漚此日相逢東海頭東海織塵生我眸

醉擊珊瑚碎蓬礫笑委鮫珠輕搏毘俗淫世靡吾所羞

孤鳳默々群鳥啾夏舡一扣海能小祖揖載誓天何尤

澄江擢歌、未休凝碧管弦非所憂君詩非予得稱好
贈言請視今汪周

哀高照磨有序

奉符高孝子名自松入池迂父照磨公塋將歸附先隴
也予嘉名孝常贈詩一日拜予且泣曰名家本汴大族
高曾祖並仕金節度使子孫散落處青齊先君晚祿下
位蘊弗大施歿于亂平生行義粗具池陽洪仲遵九江
僧觀空海序文敢復以哀詩請公蓋岑諱長卿字性剛
潔遇事不阿撓俗號別子初為掾集慶會大夫納鱗建
議溧陽二州漕粟舟繚二千里始抵龍灣候海運民病

之宜興距二州百里聽民陸輦置倉便公于是將命中
書往復論列利害幾二載不以艱窶受攬輸豪氓所賂
神疲慮殫克允厥猷者公之力也既調池民有以筭密
藏銀筭于篋底用報德覺焉怒責筭退兵興達識

丞相以分帥曲律薦版授池州路照磨軍缺儲禮勸義
激巨室咸奉命時至正十五年也越二年江南北皆敵
境池最後陷曲律帥被執不屈死公尚督戰備于外聞
池不守遂隱九華復徙建德明年卒具反陳中殯之敬
哀以辭曰

白首操冰蘖青衫困簡書日迴戈浸遠山采薇無遺多士

交潛德遺民式塋墟兒賢天所報骸骨遂歸歎

送黃黼成章還潁上別業兼示其弟散

鉅室隨王運憐生亦播遷關山孤漢月草木慘淮烟哭母
千行淚存心一寸田天風動潁水急買載家船

題沈秋田推官續言行錄有後序

言行何人錄歸田沈節推備存忠厚意非出見聞私天遠
青雲鵠山深白石芝兩生高漢史猶恨姓名遺

逢式觀是錄誠一代明良之士為多可稱者焉若大德

辛丑七月颶風海鹽水暴溢旄倪驚奔官屬備舟遁知
州于弘毅浩卿獨朝服臨洵拜籲天曰邑以淪鋪某將

安往乞死于此語竟反風水復故道時江陰尤甚編氓

昏漂溺避而存者纍々咸告飢聞于省未報知事宗仲

仁春卿聊亟蒞廩賑之曰人七日不食且死蠟位矯令

惟某罪省檄果踰月始下史繩武正翁眉主簿淦之興

國也適三月至七月旱民有陽八者死坐詔連八十五
人繩武察陽八為盜被殺兄陽坐寔首惡遂伏辜所連

獲釋是夕天大雨阿昔治中之在信州也故掾嘗輸庫

鈔江東宣慰司道翻湖寇掠之繫責二年鬻妻孥莫能
償阿昔首捐俸諭諸掾助免它如竊木當笞木主賂隸

用大杖俄一犬前啣杖俛首若訴且觸柱宥罰官察知

冤而宥之者分水縣尹趙珍也珍建德人所至署僚吏姓氏

蒐延遺老咨詢治效凡言某事善朱加點某不善墨加點

朱墨半者精覈之後朱多者衆毀弗信墨多者衆譽弗

納則浙西憲副霍肅也肅廣平人點吏示以威懦民接以

和故獄絕舞文庭無冤訟則燕允賢推官字子初介潔太原人

素礪非辟因干與寔誦南山之詩妓樂屏去一切座肅

容是又皇甫錄事並美嘉禾也泊乎陝西行臺治書侍

御史馮翼字君輔南康人總管汪從善國良錢塘人賓師王子復

病卒從善殯如禮仍撫其子女不失所翼甄拔士類雖

僻陋往々紆道顧問或笑之輒曰苟貴乎學則閭閻翕

然嚮化矣嗚呼四海之大累朝之盛上而省臺下而郡

邑政事先治體言行關風教者何限而秋田之錄僅若

千人固不無遺賢之歎亦其耳目所不逮也牧予撫其

尤者表出之則庶乎秋田一念之誠亦藉以不泯矣

儉德堂懷寄凡十首各有小序

李一初名祈茶陵人由進士累官南臺御史會世亂歸

隱

儒臺一別後二十四飛螢不見重華日空懸執法星紅綾

諸舊味皂帽遂餘齡想象龍魚舞鈞天奏洞庭

完哲清卿江陰上萬戶贈都元帥丑廝公之弟泰州不

才以材諳擢萬戶累迁福建叅政乳後歸養吳中
喪乳無全室歸吳有大叅五湖孤枕月百粵萬山嵐故國
龍移鼎高堂雪滿簷雕籠綠毛鳳默々夢閩南

買住昂霄以江陰副萬戶累迁中政院判官福建憲僉
會乳遂航海歸隱以孝聞

郡邑更新署江山山識故侯寸心天北角百指斗南臥月
殿金猊曉霜軺白鷺秋書來悟前夢甘曉為親謀

鐵穆公毅由進士累迁通顯今隱居教授海上

府倅今梅福詞場老益豪自牋悲二俊遠引慕三高甌石
餘儲粟宮羅剝賜袍垂虹月千頃蓮葉擬同操

長吉彥忠今姓張由進士擢宣城錄事乳中奉母慈命

溪黃氏客授雲間酒伴謂謝望也西

一命叅軍老長年曲送貧獨行歸鳥暮躬省早鷄晨甲子

書茅屋庶申夢紫宸南隣酒伴去惆悵碧莢春

鍾伯紀名律汴人由鄉貢進士擢儒學官前後徵辟並
以疾辭有太學補遺行于世

故人辭聘帛海上關紫荆絕口吳三俊終身魯兩生歲時
羞蘊藻風雨夢英灵尤喜春秋學相將補缺成

張九弼名昱廬陵人以才猷累遷判樞謝病隱西湖上

忍洒新亭淚重經行路難新醅鸚鵡暖短髮鷓鴣寒詩法

高常侍仙尋賀長官西山遂隱跡雲石紫芝團

判馬當文郁西域人由父廕累迁南臺御史今寄跡全

真教中

清修馬道士憶過小林丘脫略青駝迹追隨白兔游君親

心獨耿河海淚同流好在醫閭北徘徊紫氣浮

觀同用賓蒙古人由中舍拜南臺御史彈經畧使忤旨

左迁江西省都事不赴隱居海上

伏自彈經畧西遷遂退休筋排銀膾縷心覲玉螭頭一氣

分光岳三河潰冀幽青門種瓜老終系故秦侯

張鳴善名擇湖南人以將迹擢江浙提學今謝病隱居

吳江

薦書三十載垂白廣文官冀北心肝熱湖南骨肉寒病辭

新主聘老托故人安著就先天學何時一細觀

石伯玉名瓊以松江萬戶嘗分成大信亂中歸隱余山

亂中歸老馬隴上佩童牛故國金吾夜荒山白帝秋驚心

禾稼出送日海漸流却喜甘藜莧三年免楚囚

即克忠嘗為南臺掾今隱吳江寺

獨客長依寺何人共戴天餘生歌激烈合室夢團圓淮水

深蟠楚南風直過燕蓮花遠公漏自屬一山川

許北郭名恕子鄉人善医部使者薦授澄江書院長

有懷吾北郭隱趣遂歸心樓幌含雲氣庭除入杏陰
樛藏堪痛友金贖久止琴誰為銘先碣東 侯德音

魯道原名淵淳安人由進士累迁 西副提學張太尉
稱王擢博士今召拜官並辭還

我采雲間藥公歸白下船相期文 獨立義熙年北斗
橫山閣西風熟隴田季長門地盛 讓彭宣

王伯純名嘏河東人由鄉貢擢儒學正張太尉仍授教
授辭嘗護祖父妣三喪自維陽還葬洪霍山

中原飛鳥盡南服大星流衆獻荆山璞君添海屋籌遺經
牛角挂濁酒雁前芻洪霍山圖得方床日臥遊

倪元鎮名瓚無錫人乳前棄田業縱遊山水間

隱跡懷東老詩狂慕浪仙百壺千日醞雙漿五湖船書畫

通芸閣征輸歌葑田鄉評有月旦未覺虎頭賢

吳子中台人以父廢主簿會亂不屑仕東西藩歸隱卒

竹格踈曉堂爛月晒新霜顧影衣殊短論心酒故長嗣宗

狂入晉昭諫義存唐一別音徽隔天涯獨髣蒼

杜好古名敏宋祁公裔世隱龍江累謝儒辟

衆謂迂尤甚私忻學益啟無田安古屋多病老孤村瓔檜

垂當戶苔梅巧映尊題名幾狂客醉濃滿墻根

吳士益名惟諒同里人宗八行先生孫有碑在郡庠

不屑三家仕真為八行孫水雲菰米澤烽火棣華園良馬
寒辭坂靈鳥暮識村還期巷南北相送月過門

程煥文禮部負外以文之弟卜隱吳山

禮部程公弟論文喜白頭生涯詹尹卜足跡子長遊雲石
芝三秀乾坤海一漚尚懷氣忼慨歷說舊諸侯

隱中山嘉定僧嘗主余山聰禪師道場有和三體唐詩

海曲黃金地重來半入田軒餘聽老月漏永遠公蓮慧眼
空神駿詩懷耿杜鵑期同訪蝦子春水綠移船

彭素定雲中州人郭梅岩西江人並學全真有道行

彭郭上清班相望高世間木龕獲石壁棕屨萬雲山軒冕

泥塗底詩書桎梏間鄉夢園數形夢欲借羽車還

挽夏老圃

正佩藍田約俄違菽水歡月評無許邵雨過失蘓端鳩靜
看松杖駮間度柳鞍交盟在諸旧不為死生寒

重游澱山

鰲戴小蓬萊方諸宮影開崖根龍洞闢山脉虎丘來踈磬
重烟水殘碑半雨苔因之懷故國遊雁落清哀

題任叔達母俞姊俞婦雙節堂卷

龍江任友孝母姊重雙金寒月斜銀擲晴霓卷素衾旨甘
今日養節苦半生心後大無勞卜吳淞祖澤深

長倩無錫許輟茶陵書至報及李一初御史卒

甥館家書至儒林訃問俱節存陶栗里醇近董江都斗角

文星澹禺中日月孤追思与班老班功堂下接玉符

癸丑九月松府遣徐掾具舟再辟復謝免口號

徐

采藥去紫荆周旋荷友生府中將命重月下返舟輕鸚鵡

籠無奈鷄鷓饗若驚千山兩猿鶴蕭洒歲華清

寄和栢雍中舍并簡其弟栢顏太祝

王父登青竹郎君謝紫薇庭容駟馬臥月送一鸞飛躍冶

金俱爍韜山玉自輝情親有仲氏辭祿死前歸

續夢中行

高閣俯通衢長垣帶碧梧風生捫虱論山對問牛圖時世

常憂戚神明或感孚果吾貸先擬澤焦枯

松府行卸飲禮宗倅致書枉招不果赴為寄一首

賢倅黃堂暇書函迨布衣義啟鄉飲酒禮過士招 浦暖

鷗波灩園春藥草肥行過子游堂就送長卿歸

松守王蒼厓遣儒職問候口號

宗長優為政勞賢問子桑入城筇力短遯野漏聲長悵望

陳懸榻欣聞蓋舍堂宗織世或有五馬賁輝光

題柯博士敬仲宮詞後 宮詞附

帝作奎章礙石梁花明長日幸奎輿丹丘詞氣凌司馬封
禪何如諫獵書

萬國貢珍羅玉陛九賓傳贊卷朱簾大明前殿筵初秩
中貴先陳祖訓嚴

傳宣大府頒宮錦近侍承恩拜榻前製得袍成天未曉
着來香殿賀新年

官家明日慶生辰佳倫龍衣熨帖新奉御進呈先取旨
隋珠錯落間奇珍

四海升平一事無常已散集集諸儒傳宣群玉看名畫
先進開元納諫圖

天街女樂擁祥烟梵坐春游夾管絃齊望綵縷呼萬歲
柘黃只在五雲邊

黃金幄殿載前驅象抹駝峰畫寶珠三十六宮齊上馬
太平清暑幸深都

萬里名王盡入朝法宮置酒奏簫韶千官一色真珠襖
寶帶攢裝穩稱腰

玉盃調冰涌雪花金絲纏線繡紅紗綵牋御製題端午
勅送皇姑公主家

珠宮賜宴慶迎祥麗日初隨綵線長太史院官新進曆
榻前一賜諸王

皇心簡在勛臣旧未有人知擬拜除宣索牋彩濡玉筆
榻前先命小臣書

古宮怨四首

萬年枝上月團圓一色珠衣立露寒獨有君王遙認得扇
開雙尾簇紅鸞

十二瑤階入鳳臺梧花開盡鳳當來夜深不敢吹橫玉壁
月珠星繞上台

雨餘螢冷入秋衣織女星明婺女微二十五弦香殿裏一
聲：作雁雙飛

誤報迎銮出禁宮階前艸是雁來紅玉顏豈就秋枯落萬

一和親在選中

寄題潁上賈婦治性敬所寓咏軒

有跋

五弦絕響二南哀歎息蘭芳繼黍離羨尔不隨淮柘化客
軒長咏考槃詩

凡作詩忌俗欲清忌熟欲生忌肉欲骨去露生去恠
清去薄本之六義叅之經史百氏詩道備矣予嘗以是
訓子弟今惟敬篤志于詩湯錄絕句後士之才者來游
軒中尚采擇焉

題士女圖二首

淺傳蜂黃澹掃眉小蜂平苑幾細思落盡梅花折盡柳祇

回直管却橫吹

不字佳人玉氣温那知長信月過門分明画是平生夢一
扇薰風一扇息

雜題

泗塘昨夜綠增波偶築膠州鬼白藤一雨百花香洗盡流
春砒上立魚鷹

紫桐生乳竹含胎艸細花幽石徑回獨自去來人不覺茶
烟風颺過池臺

几杖琴尊共一丘燕歸巢近午香篝游絲不挂山人眼直
趁東風入別樓

越羅衫子暮春裁席帽飄蕭映水苔人事暗隨塵裏去天
光倒向鏡中開

浴罷香分^碧瓠瓜池臺深坐轉風車不將鐵杖穿林過恐
有月中金背蟄

聞身日放石林中退髮朝隨野水東猶有未灰心一寸小
池量雨愧神功

長夏徐行野水湄蝦跳鯽舞樹交枝雲文風色殊千萬靜
裏天光日影隨

紫艷薇花月晦冥翠番荷葉露晶螢偶因石几流螢過微
見瑤微一两星

村溪集卷五
變風變雅不圖聞菡桂申椒徧地苓一片古人懷不解竹
光涼動九疑雲

榴房風折瓢犀開柿陰離；月滿苔鷄黍今無丘嫂作清
談初為阿成來

水涼風攪一池荷睡眼醒來手自摩數席雲陰乳踈樾鬢
孫驚報鶴群過

歲晚無他靜自謀
歲微詩興欲全休
雀啣竹葉風頭過
魚戴冰漸日影游

藻池岸匝水仙開
滿面香飄玉蝶梅
遺事罷書山館寂
鼠狼行過雉鷄來

蕉石士女為真定
呂子敬稅使題

翠石芭蕉競爽清
玉階綵繚綺紈聲
佳人的是嫦娥影
一片團圓故國情

許由還山圖為李生守道題

不是長辭萬乘堯
還山高掛樹頭瓢
九年百姓顛連苦
莫過江鰲海屋驕

山居雜題

白雲不歸青山空
女羅水上桃陰紅
扁舟無事臥一覺
滿面春光如醉中

石潭明月手可杯
松林無風聲自流
山人素志非懶出
白

雲常在青雲頭

燈花明滅香散簾藤子乳落秋風簷詩書百氏東閣上箕
鬼一星騎漢南

茶鐺無烟童未還白鶴思靜青松間流泉不放澤下土日
夜調琴鳴空山

野鹿角解山澗均老樵視如枯樹梢雨中風飄乞我挂否
以仙脯天厨肴

山翁了々王匱文客來掩耳事絕望聞笑指丹霞與白石酒
材萬甕羊千群

偶從道士飲碧螺手把桐角吹山歌千壑萬谷響應答天

風黃鵠雙飛過

贈朱克用嘗受知文宗於潛邸為說書後官千戶

荒茅苦竹兩江間弱獸輕車共往還老作孤臣重歸國忍
聞神女度巫山

布衣染翰侍明光時忌翻為執戟郎最是聖恩忘不得誤
題詩句滿宮墻

江邊竹枝詞 有序

予童壯年輒聞里中山謳水調如游鯉山高等句不一
狗叫沙在蔡港西北歲產荻茅予家分佃頃半庚辰冬
日取其入過嚴氏子恪甚秀敏得陪游望沙与蝦蟇山

鞋蒲告以水調相連日遂披日聞釐心之得十首書遺恪云

游鯉客山高刺雲天門山小日稱君挿江鷺鼻移沙脉愁
殺浪撞黃歇墳

乳石呀聲大小灣石中無玉作連環楚江風烟雨烟雨翠

鎖修眉八字山

馬沙十八里江程潮落潮生船送迎南來士氣漸吳習北

下農謳變楚聲

社酒吹香新燕飛遊人裾幄占灣磯如刀江鱗白盈尺不

獨河鮪天下稀

南北兩江朝莫潮即心不動妾心搖馬駝少箇天燈塔暗

雨烏風看作標

北望大江南望城席帽馬鞍並山屏障橫儂是小山漁泊

戶水口風門過一生

石筏橫津蛟莫窺近山張弩或眠旗儂作神衫与神女祈

水祈風即不知

巫子驚湍天下聞商人望拜小龍君如蘆草染榴紅紙好

剪綾羅十幅裙

潮落蟆山連狗沙黃泥鞋浦趁江斜阿儂十指年嬌小曾

比箇中春荻芽

山望五郎風不淳狼邊人接販私人那得椎狼壘天塹官

賣賤鹽即貴身

題荀陳德星圖

難兄難弟配八龍太丘不讓朗陵崇誰知群或心忘漢不
及曹家阮嗣宗

時苗留犢圖為維陽林彦和題

壽春父老送車音黃犢寧無舐犢心不是縣公
安風氣異桃林 謝過建

壬寅歲經時宰別第

柳烟花霧暖成團蜂蝶交飛滿畫闌旧主未歸新主入春
光俱作夢中看

聞蛙書事 有序

先朝不魯罕皇后出居東安州日其地多蛙后遣人諭
旨蛙遂屏息迄今不鳴

翠憶文茵紫罽車東安有旨禁鳴蛙如何信及豚魚類青

草間門度月華

題王冕墨梅 有引

冕會稽狂士少明經取科第不中遂放曠江海國士之
負才氣者爭与游嘗羈牛游京洛城名貴咸側目平生嗜
画梅有自題云冰花箇箇團如玉羌笛吹他不下来或
以是刺時欲執之一夕遁去

霜落銀河月在天美人松下鬪婵娟一枝倒影吳牛角曾
比知章踏酒船

真氏女二首 有序

牧菴姚承旨一日玉堂宴集諸姬奏伎有真者或作
南音問之泣曰女童建寧人西山之後也父嘗筦庫濟
寧坐償官員故落落娼家息公惻然遣使白丞相三
寶奴命去教坊籍遂呼翰林小吏曰汝未娶以真女配
汝吾即其父也或賦長詩意有未足用補二絕

筦庫曾無升斗糜
著陽和獨見私

獲到妻兒如何學士身千百不

處妾茲晨洗艷容遙承當代一儒宗斯文骨肉無踈遠何
得曹瞞反愛邕

梧溪集卷之五



